



Broj: 14-14-3-12501-7/19
Datum: 19.11.2019. godine

Na osnovu člana 70. i člana 25. Zakona o javnim nabavkama ("Službeni glasnik BiH", broj: 39/14) i Zapisnika o pregledu i ocjeni ponuda, broj: 14-14-3-12501-6/19 od 19.11.2019. godine, u postupku javne nabavke „Pružanje usluga kolektivnog osiguranja uposlenika Zeničko-dobojskog kantona“, direktor Službe za zajedničke poslove Zeničko-dobojskog kantona, donosi

ODLUKU **o izboru najpovoljnijeg ponuđača**

1. Ugovor za „Pružanje usluga kolektivnog osiguranja uposlenika Zeničko-dobojskog kantona“ na period do dvije godine, dodjeljuje se ponuđaču Sarajevo osiguranje d.d. Sarajevo, Maršala Tita br. 29, 71 000 Sarajevo, kao najbolje ocijenjenom ponuđaču. Premija osiguranja po jednom uposleniku iznosi 1,60 KM, ukupna premija osiguranja za period do dvije godine iznosi 318.988,80 KM.
2. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o pružanju usluga. U skladu sa tačkom 8.6 tenderske dokumentacije ponuđač je dužan dostaviti Garanciju za uredno izvršenje ugovora.
3. Ova Odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
4. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-3-12501-2/19 od 19.09.2019. godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 328.960,00 KM bez PDV-a.

Ugovorni organ je objavio Obavještenje na portalu javnih nabavki broj: 771-1-2-18-3-17/19 dana 20.09.2019. godine i u „Službenom glasniku BiH“ broj 65 dana 27.09.2019. godine.

Komisija za provođenje postupka javne nabavke, koja je imenovana Rješenjem broj: 14-14-3-12501-3/19 od 19.09.2019. godine, blagovremeno je izvršila javno otvaranje ponuda, te Zapisnikom od 05.11.2019. godine, konstatovala da su u predviđenom roku dostavljene četiri ponude i to: Uniqa osiguranje d.d. Sarajevo, Sarajevo osiguranje d.d. Sarajevo, Triglav osiguranje d.d. Sarajevo, Podružnica Zenica i Croatia osiguranje d.d. Mostar.

Nakon pregleda i ocjene ponuda naprijed navedenih ponuđača, Komisija je u Zapisniku od 19.11.2019. godine konstatovala da su ponude ponuđača Triglav osiguranje d.d. Sarajevo, Podružnica Zenica u iznosu od 996.840,00 KM i ponuda Croatia osiguranje d.d. Mostar u iznosu od 552.042,00 KM, daleko veće od procijenjene vrijednosti koja iznosi 328.960,00 KM. Zaključkom Vlade Zeničko-dobojskog kantona, broj: 02-14-14207/19 od 18.09.2019. godine, obezbijedena su sredstva za predmetnu nabavku, do iznosa procijenjene vrijednosti. Imajući u vidu navedeno, te da je iznos procijenjene vrijednosti bio naveden i u Obavještenju broj: 771-1-2-18-3-17/19 od 20.09.2019. godine, ponude ponuđača Triglav osiguranje d.d. Sarajevo, Podružnica Zenica i Croatia osiguranje d.d. Mostar se odbacuju u skladu s članom 68., stav (4) tačka j) koji glasi da je Ugovorni organ dužan odbaciti zahtjev za učešće ili ponudu i u drugim opravdanim slučajevima.

Komisija za javnu nabavku je shodno kriteriju „ekonomski najpovoljnija ponuda“ izvršila rangiranje prihvatljivih ponuda kako slijedi:

- | | | | |
|----|--|-----------|---|
| 1. | Sarajevo osiguranje d.d. Sarajevo, ukupan broj bodova..... | 97,0 rang | 1 |
| 2. | Uniqa osiguranje d.d. Sarajevo, ukupan broj bodova..... | 86,5 rang | 2 |

U skladu sa naprijed navedenim, Komisija je dala preporuku ugovornom organu za donošenje Odluke o izboru ponuđača Sarajevo osiguranje d.d. Sarajevo kao najpovoljnijeg ponuđača za predmetnu nabavku.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Na osnovu navedenog, donesena je Odluka kao i dispozitivu.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1x Ponuđači
1x Tenderska dokumentacija
1x a/a



DIREKTOR
mr. sc. Čazim Karalić

